


Maman!

Lu
saveviso
che...?

... i acuilons no son simpri coventâts dome par divertîsi? Sul imprin, i acuilons a vignivin doprâts par mandâ messaçs in codiç o di socors in tîmps di vuere. Vuê, cuant che o pensin a un acuilon, nus ven iniments une bieie zornade di soreli. Voaltris vêso un acuilon? Se no, provait a fâlu cul jutori di mame e papà cu la cjarte dai ûfs di Pasche.



Projet promovût di 'Il Friuli' e 'ARLeF'

L'ARBUL
DI MAMAN!
NUS CONTE...



Vuê, a pene che mi soi sveât, o ai respirât aiar bon. Ma propit tant bon.

Al jere net e clip.

Po, o ai liberadis lis frascjys dal sium e o ai slungjadis lis ramacis.

Lis fueis plui strachis a son svoladis vie e jo cui voi ur ai corût daûr.

E là, insom di un ort, o ai viodût riflès colôr di arint e o ai sintût dut un cricâ.

Chê cjarte che prime e involuçave i ûfs di Pasche, e je diventade un spaventepassaris! I ucieluts no saran masse contents, ma lis semençutis si!

Cumò che o cjali miôr, nol è dome un spaventepassaris ma a 'nd è tancj!

Joi, trope cjocolate vêso mangjate domenie stade?

CUMÒ FÂS TU!

Conte lis
besteutis



5



RIDI
A PLENE
PANZE!

Cuâl isal il colm
par un pes?
Pierdisi intune
tace di aghe!

A PASCHE
O AI...

Fâs un
dissen
par
contâ
la tô
Pasche.



Torne a cjalâ lis pontadis
di Maman! su



Paggine curade
dal Sportel Regionâl
pe Lenghe Furlane de

ARLeF
AGENZIE
REGIONÂL
PE LENGHE
FURLANE